

modo per le vituarie. Scrive comè Stefano Colonna di Palestina con 500 di quei zoveni fiorentini erano ussido fuora et andato fin su li stecadi, con ocision di 200 de inimici, et di loro *solum* 2, et ritornati in la terra con vittoria. *Item*, come quei de Empoli erano ussidi fuora et

Fo leto alcune lettere, con li avisi hauti di Mantoa, de le cose de Bologna: li qual summari, potendoli haver, qui avanti farò nota.

Fo lecto la lettera del Signor turco, traduta. Narra l'aquisto de Hongaria, et haver posto in lo stado el re Zuanne, et se dagi fede a Janus turzman suo ambador. La copia de la qual *etiam* scriverò qui avanti.

Fu leto *lettere di sier Hironimo da chà da Pexaro, capitano zeneral di mar, di 26, da Corfù*. De la recuperation de la galia Barbara che si rupe sora la Serpa, et trata fuora et fata tirar in terra a Corfù, sìchè si conzerà, et sier Zaccaria Barbaro soracomito tornarà sopra la sua galia. Et su questo scrive longamente.

Fu posto, per li Savi, una lettera a Bologna, a sier Gasparo Contarini orator, come semo contenti concluda mutando quele parole etc. Et ave tutto il Conseio.

Fu posto, per i Savi, una parte, de fortificar la città de Vicenza, sicome el capitano zeneral ha aricordà, cussi come per soa excelentia sarà conseià et designà, et se fazi do modeli, uno resti lì, l'altro se mandì de qui, et non se possi variar de quel sarà ordinato, sotto pena a li rectori de pagar la spexa del suo, et non si possi meter altre insegne che di San Marco. Et per la fortification sia per terzo, un terzo de la spexa et cavation de le fosse et altro pagi la Signoria nostra, uno terzo la città, un terzo el territorio. Et sia aplicà tutte le condanason de la città a la ditta fortification. Fu presa, et ave: 157, 59, 8.

Fu posto, per li ditti, havendo richiesto licentia de repatriar sier Francesco Pasqualigo proveditor zeneral, qual havendo la Signoria de lui hauto diligente servitio, li sia dà licentia che 'l possi venir a repatriar. Ave: 180, 9, 1.

Fu posto, per li Savi del Conseio, excetto sier Alvise Mocenigo il cavalier che non se pol impazar, Savi di Terraferma et Ordeni: Havendo supplicà sier Zuan Mocenigo di sier Thomà, atento che per el naufragio de nave et navili venivano in questa città con formenti li fu forzo comprar uno navilio turcheseo cargo de formenti, et quello mandarło in

questa città, et l'ha fatto in quello assà spexa, come apar, per tanto sia preso che 'l ditto navilio, patron Zuan Fortim, sia fato navilio venetian *ut in parte*. Ave: 169, 18, 3.

Fu posto, per li Savi, havendo deposità Antonio Pin fo de Zuane dai *Guadi* ducati 302 sora la stimaria de l' officio de Panni a oro del 1526 a di 20 fevvar, da poi la morte del presente scrivàn de ditta stimaria, et per l' ordination fatta zerea el missier de la seda el forzo de la sua utilità li vien esser tolta, per tanto sia preso che di danari de le presente occorrentie li sia restituito li ditti ducati 302, et la compra de del sopraditto officio sia nula. Ave: 182, 12, 6.

Fu posto, per i Consieri, Cai di XL et Savi, poi leto una suplication, che a Bortolamio Calson, datiaro de la mercadantia de Salò et riviera del 1528, atento el perda ducati 400, li sia concesso habilità de pagar quanto dia dar in anni 3, ogni anno la rata... *ut in parte*. Ave: 184, 4, 1.

Fu posto, per li Consieri, Cai de XL et Savi: come se intende per lettere del proveditor di Ravena, che Zuan Domenego da Susana da Udene, hessendo stà conduto a stipendio con domino Tomaso di Costanza, al qual prestò scudi 21 et sovenzion de comprar uno cavalo turco ducati 75, et hessendo stà mandà a li confini per far fatione, scampò da li nemici, per tanto sia preso che sia scritto a Udene al luogotenente de la Patria, debbi far proclamar el ditto, che in termine de zorni 20 se apresenti, *aliter* sia bandito de terre et lochi et de questa città, con taia vivo et morto lire 600, *ut in parte*, la qual taia sia satisfata de soi beni, et el simile se scrivi al proveditor de Ravena debbi far ditta proclama, dandoli termine *ut supra* zorni 20. Ave: 156, 4, 15.

Da Bologna di 16 de zembrio 1529, scritta al signor marchese di Mantoa. 259

Nostro Signor me dice che a la conclusion de la pace le differentie non sono tali che la babbino a disturbare, et ne stà molto alegra. Si sono levate le difficultà che erano in la pace, del duca de Milan, et sua excelentia ha ottenuto che non se farà mention alcuna del marchese de Musso, conte de Gavi, nè del signor Sinibaldo dal Fiesco, quali voleano goder casteli et iurisdiction separatamente dal stato de Milano, come signori segregadi da quello. Circa le donation fatte nel stato preditto per lo imperator et signor Antonio da Leiva, el duca si è acordato di